

PROGRAMA NASIONÁL DEZENVOLVIMENTU SUKU

18 de Juñu de 2014

Aldeia Dirlau ho Borhei, Suku Humboe, Sub-Distrito Ermera, Distritu Ermera

Komunikadu Imprensa

Headlines: Vice Primeiru Ministru Inagura Projektu PNDS

Iha loron Quarta feira semana ne'e (18/06/2014), Vice Primeiru Ministru Dr. Fernando Lasama, sei inaugura projetu Programa Nasionál Dezenvolvimentu Suku (PNDS) ba Konstrusaun Sentru Komunitaria multi Propóztu ho Konstrusaun Bee Mós iha Suku Humboe, Sub-Distrito Ermera, Distritu Ermera.

Suku Humboe depois de ukun an projetu barak mak tama ona tantu husi governu nomós ajénsia ne'ebé mak sai hanesan parseiru ba Dezenvolvimentu nasaun ninian, maibé iha implementasaun projetu hirak ne'e implementa direita husi setór privadu.

Calistro Madeira hanesan comunidade nebe involve iha **Ekipa Jestaun Suku** no sai mos hanesan presidente ba **Komisaun Planeamentu Akuntabilidade** hatete katak: *"Ami orgulhu ho programa PNDS tanba liu husi programa ida ne'e ami bele dezenvolve ami nia Suku"*. Nia hatutan katak: *"Iha implementasaun projetu PNDS ami comunidade mak identifika prioridades, halo planu no implementa inklui mobiliza materiais konstrusaun, jere rasik ami orsamentu nomós halo manutensaun"*.

PNDS hanesan Programa Nasionál Governu Timor Leste fó oportunidade tomak ba comunidade Suku no Aldeia atu halo Dezenvolvimentu sá ida mak comunidade hakarak atu Dezenvolve tuir sira nia nesesidade. Iha Suku Humboe comunidade tomak decide **Bee Mós ho Sentru Komunitariu multi propóztu** mak sai hanesan sira nia prioridade aas liu, no hetan finansiamentu husi orsamentu ne'ebé aloka ba Suku liu husi PNDS.

Programa Nasionál Dezenvolvimentu Suku hanesan programa governu Timor Leste nian, lidera husi Ministériu Administrasaun Estatál ho Ministériu Finansas inklui mós ministériu sira seluk. Iha programa ida ne'e Governu Timor leste servisu hamutuk mós ho Governu Australia ne'ebé fó asisténsia téknika, apoiu lojístika no treinamentu, plus asisténsia ho monitorizasaun no avaliasaun.

Suku Humboe hanesan Suku ne'ebé implementa PNDS iha faze pilotu, total subsídiu annual ne'ebé aloka ba iha Suku ida ne'e hamutuk **\$45,000.00**, no orsamentu ida ne'e inklui ona fundus operasionál ho montante **\$5,250.00** hodi finansia atividade administrativas iha suku, nomós fundus infraestrutura ho montante **\$39,750.00**.

Fundus husi infraestrutura ne'e fahe **\$23,749.43** hodi sosa materiais infraestrutura ba propostas prioridade **Konstrusaun bee mos** hanesan sosa simentu hodi konstrui tanke sentrá 3 nomós torneira sentrá 4, pipa ou torneira atus tolu resin, no materiais sira seluk, no **\$15,966.68** aloka ba sosa materiais konstrusaun ba proposta **Konstrusaun Sentru Komunitaria Multi Propóztu** hanesan jinggu, kaleng, simentu rai-henek fatuk no seluk-seluk tan. Komunitade ne'ebé mak hetan benefísiu husi projetu rua ne'e hamutuk xefe de família iha hitu nolu resin rua no populasaun hamutuk atus tolu lima nolu resin.

Contact
e-mail
Phone number

: Duarte dos Santos, Chefe Komunikaun
: media@pnds.gov.tl
: +670 78188336

PROGRAMA NASIONÁL DEZENVOLVIMENTU SUKU

Contact
e-mail
Phone number

: Duarte dos Santos, Chefe Komunikasaun
: media@pnds.gov.tl
: +670 78188336